

ODLUKU

O ZADUŽENJU KANTONA SARAJEVO PUTEM
EMISIJE OBVEZNICA KANTONA

I

Odobrava se zaduženje Kantona Sarajevo (u daljem tekstu: Kanton) putem emisije obveznica radi prikupljanja sredstava za finansiranje dijela kapitalnih projekata u skladu sa članom 1. Budžeta Kantona Sarajevo za 2018. godinu ("Službene novine Kantona Sarajevo", br. 57/17 i 28/18), u iznosu do 12.940.000,00 KM (slovima: dvanaestmiliona devetsto četrdeset hiljada i 00/100 KM).

Emisija obveznica će se izvršiti javnom ponudom putem aukcije na berzi.

II

Osnovni elementi obveznica iz tačke I ove odluke su:

- Emitent: Kanton Sarajevo, ul. Reisa Džemaludina Čauševića 1
- Redni broj emisije: peta emisija
- Klasa vrijednosnih papira: obveznica sa fiksnim kuponom
- Broj obveznica: 12.940
- Nominalna vrijednost obveznice: 1.000,00 KM
- Ukupna vrijednost emisije: 12.940.000,00 KM
- Dospijće: tri godine
- Visina kamate: metod višestruke cijene
- Rok za isplatu kamate: polugodišnje, od datuma upisa u Registar emitenata kod Komisije za vrijednosne papire Federacije BiH
- Isplata glavnice: jednokratno na datum dospijća Datum aukcije: 26.02.2019. godine
- Kriterij uspješnosti emisije: upis i uplata najmanje 60% ukupnog broja obveznica
- Metod aukcije: anonimna aukcija

III

Komisija za vrijednosne papire Federacije BiH odlučuje o zahtjevu Kantona za odobrenje emisije obveznica donošenjem rješenja.

Kanton će pripremiti prospekt emisije u skladu sa čl. 32. i 33. Zakona o tržištu vrijednosnih papira ("Službene novine Federacije BiH", br. 85/08, 109/12, 86/15 i 25/17).

IV

Javni poziv za učestvovanje u emisiji obveznica Kantona objavljuje se na internet stranicama Ministarstva finansija Kantona Sarajevo (u daljem tekstu: Ministarstvo), agenta emisije, i Sarajevskoj berzi-burzi vrijednosnih papira d.d. Sarajevo (u daljem tekstu: SASE) i u dnevnim novinama u Federaciji BiH, najkasnije sedam dana prije dana održavanja aukcije.

Kanton je obavezan u roku od tri dana od dana objave javnog poziva Komisiji za vrijednosne papire Federacije BiH dostaviti dokaz da je poziv objavljen.

V

Obveznice se emituju u nematerijalizovanom obliku i registruju kod Registra vrijednosnih papira u Federaciji Bosne i Hercegovine (u daljem tekstu: RVP). Ministarstvo sa RVP zaključuje ugovor o poslovanju registracije i vođenja obveznica.

Obveznice se izdaju u originalnoj valuti KM, s tim da se njihova vrijednost veže za vrijednost EUR (EUR valutna klauzula) gdje je vrijednost na dan izdavanja jednaka fiksnj vrijednosti od EUR = 1,95583 KM. U slučaju promjene vrijednosti EUR za KM, primjenjivat će se srednji kurs EUR za KM prema kursnoj listi Centralne banke Bosne i Hercegovine na dan izmirenja obaveza po obveznici.

Ne postoje nikakva ograničenja u prenosu obveznica.

VI

Vlasništvo nad obveznicama stiče se na dan upisa u Registar Komisije za vrijednosne papire Federacije BiH, upisom obveznica na odgovarajuće račune vrijednosnih papira koji se vode kod RVP i vlasniku daje pravo naplate nominalne vrijednosti glavnice i kamate.

Sredstva za izmirenje obaveza iz stava 1. ove tačke osigurat će se iz Budžeta Kantona Sarajevo.

VII

Obveznice iz tačke II ove Odluke mogu se otkupiti prije roka njihovog dospijća.

VIII

Prodaja obveznica vrši se putem aukcije na SASE metodom višestruke cijene. Nalozi se ispostavljaju unošenjem prinosa na dva decimalna mjesta.

Cijena obveznice se utvrđuje na osnovu sljedeće formule:

$$CIJENA = \left[\frac{\text{isplata}}{\left(1 + \frac{\text{prinos}}{\text{učestalost}}\right)^{\left(N - 1 + \frac{DSC}{E}\right)}} \right] + \left[\sum_{k=1}^N \frac{100 \times \frac{\text{stopa}}{\text{učestalost}}}{\left(1 + \frac{\text{prinos}}{\text{učestalost}}\right)^{\left(k - 1 + \frac{DSC}{E}\right)}} \right]$$

DSC = broj dana od datuma poravnanja do narednog kuponskog datuma,

E = broj dana u kuponskom periodu u koji ulazi datum poravnanja,

N = broj kupona plativih između datuma poravnanja i datuma isplate,

A = broj dana od početka kuponskog perioda do datuma poravnanja.

IX

Ministarstvo zadržava pravo da prihvati ponudu u cjelini, djelimično ili da odbije sve ponude za kupovinu.

X

Poslove po osnovu emisije obveznica obavlja Ministarstvo. Ministarstvo zaključuje ugovor sa SASE, bankom depozitarom, agentom emisije o obavljanju poslova u emisiji obveznica i RVP kao platnim agentom.

XI

Aukcija obveznica na primarnom tržištu obavlja se preko aukcijske platforme berzanskog trgovinskog sistema (u daljem tekstu: BTS) SASE u periodu od 9:00 do 13:00 sati osim ako u javnom pozivu nije drugačije naznačeno.

Ponude za kupovinu obveznica unose se u BTS kao kupovni nalozi u periodu od 9:00 do 10:00 sati i u tom periodu dozvoljene su izmjene prinosa i količine iz kupovnog naloga kao i povlačenje kupovnih naloga.

Ponuda za prodaju obveznica unosi se kao prodajni nalog u BTS u periodu od 10:00 do 13:00 sati.

XII

Ovlaštena osoba Ministarstva, za izdavanje naloga za prodaju obveznica Kantona na osnovu unesenih kupovnih naloga, izdaje prodajni nalog.

XIII

Nakon registracije obveznica u Registar emitenata kod Komisije za vrijednosne papire Federacije BiH, RVP registruje obveznice u skladu s ugovorom i o tome obavještava SASE i Ministarstvo.

Na osnovu izvještaja RVP o registraciji, Ministarstvo dostavlja zahtjev SASE za uvrštavanje obveznica na Kotaciju SASE.

XIV

Za realizaciju ove Odluke, izvještavanje o nastaloj obavezi za Kanton i poduzimanje ostalih aktivnosti u vezi s emisijom obveznica zadužuje se Ministarstvo.

XV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-38360-10/18
29. novembra 2018. godine
Sarajevo

Premijer
Adem Zolj, s. r.

Na osnovu člana 26. i člana 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Prečišćeni tekst i 37/14 - Ispravka) i članova 14. i 21. Zakona o obrazovanju odraslih ("Službene novine Kantona Sarajevo", broj 40/15), Vlada Kantona Sarajevo je, na 155. sjednici održanoj 29.11.2018. godine, donijela

ODLUKU

I

Prihvata se Završni izvještaj sa stručnim mišljenjem o društvenoj opravdanosti osnivanja Ustanove za obrazovanje odraslih "Nova zanimanja" koji je sačinila Ekspertna komisija za razmatranje zahtjeva i elaborata, te davanje stručnog mišljenja o društvenoj opravdanosti osnivanja Ustanove za obrazovanje odraslih "Nova zanimanja", koju je imenovao ministar za obrazovanje, nauku i mlade Kantona Sarajevo.

II

Daje se saglasnost na Elaborat o opravdanosti osnivanja Ustanove za obrazovanje odraslih "Nova zanimanja".

III

Daje se prethodna saglasnost za osnivanje Ustanove za obrazovanje odraslih "Nova zanimanja".

IV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-38360-1/18
29. novembra 2018. godine
Sarajevo

Premijer
Adem Zolj, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka), člana 29. stav (2) Zakona o ustanovama ("Službeni list R BiH", broj 6/92, 8/93 i 13/94) i člana 95. Zakona o osnovnom odgoju i obrazovanju ("Službene novine Kantona Sarajevo", broj 23/17 i 33/17), Vlada Kantona Sarajevo je, na 155. sjednici održanoj 29.11.2018. godine, donijela

ODLUKU

**O DAVANJU SAGLASNOSTI ZA IMENOVANJE
DIREKTORICE JAVNE USTANOVE OSNOVNA ŠKOLA
"GRBAVICA I" SARAJEVO**

I

Daje se saglasnost Školskom odboru Javne ustanove Osnovna škola "Grbavica I" Sarajevo da se Almira Tabaković, profesorica geografije, imenuje za direktoricu Škole.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-38360-2/18
29. novembra 2018. godine
Sarajevo

Premijer
Adem Zolj, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo je, na 155. sjednici održanoj 29.11.2018. godine, donijela

RJEŠENJE

**O IMENOVANJU PREDSEDNIKA I ČLANOVA
KOMISIJE ZA IZBOR I IMENOVANJE NA
UPRAŽNJENE POZICIJE PREDSEDNIKA I ČLANOVA
ŠKOLSKIH ODBORA OSNOVNIH ŠKOLA KAO
JAVNIH USTANOVA NA PODRUČJU KANTONA
SARAJEVO, ČIJA KONAČNA IMENOVANJA VRŠI
VLADA KANTONA SARAJEVO**

I

U Komisiju za izbor i imenovanje na upražnjene pozicije predsjednika i članova školskih odbora osnovnih škola, kao javnih ustanova na području Kantona Sarajevo, čija konačna imenovanja vrši Vlada Kantona (u daljem tekstu: Komisija), imenuju se:

1. Nihada Čolić - predsjednik,
2. Fahira Kalajdžisalihović - član
3. Aida Basarić - član
4. Alma Muratović - član
5. Avdulah Kovačević - član

II

Zadatak Komisije je da, u skladu sa odredbama Zakona o osnovnom odgoju i obrazovanju ("Službene novine Kantona Sarajevo", br. 23/17 i 33/17) pregleda sve prijave koje su pristigle u propisanom roku navedenom u Javnom konkursu za izbor i imenovanje na upražnjene pozicije predsjednika i članova u školskim odborima osnovnih škola kao javnih ustanova na području Kantona Sarajevo, a koji će biti objavljeni u dnevnom listu "Dnevni avaz" i u "Službenim novinama Federacije BiH" i provede postupak predviđen za imenovanja u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13).

III

Komisija će zadatak iz prethodne tačke ovog rješenja, obaviti u roku od 60 dana od dana prispjeća posljednjeg materijala, relevantnog za okončanje procedure.

IV

Za tehničkog sekretara za opsluživanje rada Komisije, imenuje se Amila Saračević.

V

Ovo Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-38360-4/18
29. novembra 2018. godine
Sarajevo

Premijer
Adem Zolj, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i tačke V Odluke o osnivanju Vijeća za sigurnost saobraćaja na cestama u Kantonu Sarajevo ("Službene novine Kantona Sarajevo", broj 38/16), Vlada Kantona Sarajevo je, na 155. sjednici održanoj 29.11.2018. godine, donijela